



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Octaua. VIII.

urn:nbn:de:hbz:466:1-40244

28 Comment. in Rubr. Breuiarij. Sect. III. Cap. VIII.

quod patet in Vigilia Nativitatis Domini, cum occurrit in Dominica.

4. Vigilia occurrens in Ferijs maioriis omittitur in Officio, ita ut nec de ea commemoratio fiat: quia Feriae maiores sunt Feriae Domini, & Vigiliae sunt Feriae seruorum Domini, quae vti minores cedere debent, cum de utrisque non possit Officium fieri, neque pro commemoratione alterius legi Homilia congruenter post Homiliam alterius in Officio trium Lectiorum; quae eo casu sunt, vel de Scriptura ordinaria, vt in Aduentu; vel de Homilia, vt in Quadragesima.

5. Officio Vigiliae, quod totum erat de Fefia, addidit Pius V. Homiliam in Euangelium quod in Missa legebat, *Azor. lib. 10. cap. 16. quest. 5.*

6. De partibus Officii Vigiliae dicimus infra, & terminatur ad Nonam.

De Octaua. CAP. VIII.

CH R I S T O Domino constitutæ sunt Octauæ quinque, Nativitatis, Epiphaniæ, Paschalis, Ascensionis, & Corporis Christi; Spiritui sancto, Pentecostes; beatæ Virgini duæ, Nativitatis, & Assumptionis; Nativitatib[us] S. Ioannis Baptiste, Martyrio SS. Apostolorum Petri & Pauli, Festo Omnim[us] Sanctorum, sanctis Stephano, Ioanni Evangelista, Innocentibus, & Laurentio, Dedicationi propriæ Ecclesiæ, Patrono principali loci, & Titulari, in eorum principali Festo. De quarum origine vide quæ scripsimus in *Prefatione ad Octauarium Romanum*, ubi & causas explicaçimus Octauarū. De Patrono loci Microl. subobscure tradit *cap. 43.* quare nō excedunt numerum septendecim. Confuerunt cum Octauis solemniter celebrari Festa Sanctorum apud quasdam Ecclesias, Congregationes & Religiones, quæ in Rubr. de Octauis num. 1. non abrogantur, sed post editum à Pio V. Breuiarium nulla potest induci Octaua ultra prædictas, sine Sedis Apostolice auctoritate. Ex quo qui addidit recentior, fieri Festum cum Octauum Canonizationis tum Beatificanonis Sanctorum, aperiè fallitur, silogatur, præclusa licentia sancte Sedis Apostolice.

2 Inter has Octauas est differentia, quæ reuocari potest ad quatuor gradus. In primo gradu sunt Octaua Paschalis & Pentecostes, in quibus non fit de Festo aliquo, nec etiam de Patrone loci, Titulove, seu Dedicacione Ecclesiæ. In secundo gradu Octaua Epiphaniæ admittit tantum Festum de Patrone, vel Titulari Ecclesiæ, & Dedicacionis propriae Ecclesiæ; non tamen in die Octaua, in qua celebratur Baptismus Christi; & dicitur à Durand. lib. 6. cap. 17. Octaua supplicationis, quia eo die supplemus, quod in Feso Epiphania recolimus minus aperi, id est Baptismum Christi, cui cedere debet Patroni Festum, vt seru Domino. In tertio gradu Octaua Corporis Christi admittit tantum Festa Duplicita, non tamen translata, ut decrevum est in recognitione postrema Breuiarij; nisi translata sint altioris ordinis, ut de Feso S. Ioannis Baptiste dicimus. Non admittit Semiduplicia, ex Decreto Ioannis XXII. quod habetur in Breuiari. M. S. Biblioth. S. Isidori de Urbe. In quarto gradu Octauæ reliquæ Nativitatis Domini, Ascensionis, & aliorum Sanctorum admittunt quæcumque Festa, etiam Semiduplicia. Neque miteris, quod in Octaua Nativi-

Natiuitatis admittantur Semiduplicia, quia schola Natiuitatis Christi est officina humilitatis, ex S. Augustino; Ascensionis item, respectu Ecclesiae militantis, est Octaua mixta mortale, ob discessum Christi.

3. Rubrica de Octauis num. 3. addit, etiam translata, quod verbum verificatur in Duplicibus, quia verè celebrantur quocumque die infra dictas Octauas; at in Semiduplicibus non videtur verificari: nam Festum sancti Leonis 28. Junij, si occurrit in Dominica, transfertur post Octauam Apostolorum, ut dicitur in propria Rubrica; ergo idem fit de alijs Semiduplicibus. Verum Rubrica satis verificatur in duobus casibus, Primò, quando Semiduplex occurrit in Dominica; Secundò, quando in Festo Ascensionis Domini: in quibus casibus transfertur Semiduplex in diem proximè sequentem, si non est impedita; & sic infra Octauam fit de Semiduplici translato. In Ecclesijs particularibus contingit saepius Semiduplex occurrere in Festo maiori, quod habet Octauam, & de eo fit in secunda die infra Octauam. Rubrica vero hæc non loquitur de Semiduplicibus occurrentibus ante Octauam, quæ sine dubio transferri debent post Octauam; sed de occurrentibus in Festo, scilicet in Dominica infra Octauam, & de translatione in diem proximè sequentem, non impeditum alio Festo. Hæc dixi ultra sensum Rubrica antiquum; sed hodie cessat secundus casus de Festo Ascensionis, seu majore habente Octauam, in recognitione postrema Breuiarij. Vede infra cap. 10. num. 4.

4. Adhuc accedit alia differentia inter Octauas trium graduum posse-

riorum, quod occurrente Festo in ijsdem admissis, ut supra, semper tamen de Octaua Epiphaniæ, Corporis Christi & Natiuitatis eiusdem fit commemoration, ob earumdem dignitatem. Infra alias Octauas, Ascensionis, & aliorum Festorum, occurrentibus Festis majoribus, accidit, ut neque de ijs Octauis fiat commemoration, ut diceretur, cum de Commemorationibus: fortasse, quia tria illa Festa nostra sunt; Festum vero Ascensionis Angelorum potius quam nostrum. Aliorum denique Sanctorum, quia sunt Festa non æqualia tribus primis, ideo quandoque nulla fit commemoration.

5. Omnes dies Octauæ pro una festiuitate computantur, ait Radulph. Propos. 25. qui etiam Propos. 19. appellat Octauam prorogationem Festi. ex quo sequitur, quod eò nobilior est Octaua, quod minus interrupta est à Festis aliorum.

6. At vndenam maior Octauæ dignitas attendi debet, præsertim si duæ occurrent simul celebrandæ? Certè penes classem Festorum; nam prima classis dignior est secunda: in eadem vero classe attende personas hoc ordine, Christum, B. Virginem, Angelos, S. Ioannem Baptistam, Apostolos, & alios, iuxta ordinem Litaniarum, & Rubricam de Concurrentia Officii n. 2. & ceteris paribus dignior est ea Octaua quam celebrat vniuersalis Ecclesia.

7. Dubitari potest de Dedicationis Octaua, an sit maior quam Octaua Patroni loci, seu Tituli Ecclesiae. S. Thom. lect. 5. in cap. 10. 10. docet, maius esse Festum Dedicationis Ecclesiae quam alicuius Sancti; quia in illo recoluntur beneficia toti Ecclesiae collata, quæ superant beneficia cuiuslibet Sancto donata, quæ in eiusdem Festo cele-

D 3

celebrantur; ergo erit Octaua Dedicationis Ecclesiae dignior quam Octauia Patroni loci. & eadem ratione dignior erit Octaua Assumptionis beatae Virginis quam Octaua Dedicationis, quia maiora beneficia contulit Deus vni Deipara in eius Assumptione, quam contulerit toti militanti Ecclesie; cum praesertim Theologi doceant, collatiue in Deipara Virgine esse omnia gratiae & gloriae dona, quae Angelis & hominibus singillatim distributa fuerunt. Confirmatur haec doctrina ex Rubr. Breuiarij tit. de Duplici num. 1. vbi prius recollectur Dedicatio propria Ecclesiae quam Patronus loci, seu Titularis Ecclesiae; & tit. de Octauis nu. 1. vbi prius nominatur Dedicationis Octaua quam principalis Patroni, veluti dignior & nobilior, ceteris paribus. Et in fine Breuiarij additae sunt Lectio-nes propriae pro tota Octaua Dedicationis, non item pro alijs omnibus Patronis locorum, quibus postremo prouisum est cum Octauario Romano a nobis edito, & a sacra Rituum Congregatione approbato.

8 In postrema recognitione Breuiarij actum est de excludendis Octauis ab Aduetu, sicuti a Quadragesima; sed illud saltem congruere videtur, eas excludi a die 17. Decembris usque ad Epiphaniam: & ante Nativitatem quidem ea ratione, quam numero sequenti dicemus; post Nativitatem vero, quia dies omnes & singuli proprium Officium habent nullo modo omittendum. Fieri vero de Octaua, quae non habetur in Breuiario, per solam commemorationem, videtur et modicum quid; quod congruentius omitti potest in gratiam infantiae Christi, & octaurum non sine mysterio comitantium Nativitatem Christi, ex S. Bern.

9 Accidit etiam, inchoatas non compleri Octauas Festorum de Sanctis, & praesertim in tribus casibus. Primus est, quando aduenit dies 17. Decembris, in qua ponuntur Antiphona propria; quod in postrema Breuiarij recognitione merito decretum est, ne omittantur quatuor Antiphona privilegiatae, quas recitabant antiqui in Festis occurrentibus, additis ideo Laudibus ferialibus. Quare, si occurrit dies Octaua Festi habentis Octauam in die 17. Decembris, in pridiis Vesperis nihil fiat, neque commemoratione de Octaua, cum in sequenti die nihil sit de ea faciendum: nam argumento a simili mox infra num. 13. probabimus, non conuenire, vi habet in primis Vesperris aliquid illud Festum, seu Officium illud, quod nihil omnino debet habere in Laudibus & Vesperris secundis. Alter casus, quando aduenit Feria quarta Cin-
rum, pridie cuius eodem modo, quo nunc dictum est, abrumpenda est Octaua Festi habentis Octauam. Tertius est, adueniente Vigilia Pentecostes, quae loco citato ciuidem est privilegium ad Octauas mutilandas cum praedictis Ferijs. Certè ante Microl. c. 4. non celebrabantur Festa in Quadragesima, & hodie paucissima, ergo conuenit, ut abstineamus in Quadragesima a prorogatione Festorum, hoccei Octaua. Natalis Domini, sicuti Pascha, debet habere quasi Octauam ante & post, licet non aequalem: & conuenit etiam in Vigilia Pentecostes celare Octauam, quae omne Festum, etiam Patroni, excludit.

10 Dierum infra Octauam Officium est Semiduplex, exceptis prima duobus post Pascha & Pentecosten, quorum Officium Duplex est. Dic
veto

verò Octauæ duo sunt priuilegia; alterum est, quod numquam transferatur; alterum est, quod Duplici ritu celebratur; quia est repetitio Festi. quod à Radulph. Propos. 19. in maioribus Octauis significatur. *Microl. cap. 41.* scribit, quod diei infra Octauam minorem, id est Sanctorum, Officium erat feriale trium Lectionum. &c. c. 44. quod neque mentio per medios dies agebatur, quia extremi tantum dies celebantur: nihilominus hodiernum ritu in Breuiariis M. S. ante annos 300. egoreperi, licet Radulphus Propos. 19. eiusdem aetatis dicat eadem qua Micrologus. Per idem (puto) tempus mutatus fuit ritus in hodiernum, vt esset communis omnibus Octauis.

11 Festum habēs Octauam si transferatur post octo dies à die Festi, non celebratur eo anno cum Octaua. Non enim numeratur Octaua à Festo, sed à die quo ille Sanctus obiit, vel obiisse creditur, cui sit Festum, nisi aliud ex priuilegio concedatur, de *Translatione Festorum num. 1.*

12 Dies Octaua, quia non transferritur, excludit, & transferri facit Festum Duplex in ea occurrentis per annum, siue sit maius siue minus, vt dicitur de *Translatione Festorum num. 2.* & in Tabella de *Occurrentia*, in qua Duplex per annum comprehēdit maius & minus: qua de re dubitarunt aliqui, et quia, inquiunt, in concursu Duplicis maioris cum die Octaua, illud haber integras Vespertas; sed est ratio dispar in occurso, quæ communis est Duplici majori & minori per annum, ne scilicet omittatur Officium diei Octauæ in proprio die. cedit autem solemnibus Festis primæ & secundæ classis, ita ut de die Octaua non nisi fiat commemorationis, ut quan-

do in die Octaua Corporis Christi occurrit Festum S. Ioannis Baptiste, de quo sit Officium cum commemoratione Octauæ, ex Decreto Ioannis XXII. supra citato, in quo meminit non modo Festi sancti Joannis, sed etiam alterius Festi ex maioribus.

Excepe Octauam diem Nativitatis, quæ est secundæ classis, & Epiphaniae, quæ est priuilegiata, ut diximus, ob Baptismum Christi. haec namque excludunt alia Festa. Cedit item dies Octaua Dominicis que excludunt Festa Duplex per annum, puta Septuagesimæ, Sexagesimæ, & Similibus, ut dicitur de *Translatione Festorum numero 1.* in quibus sit tantum commemorationis de die Octaua.

13 Sed quid agendum erit in primis Vesperris communibus diei Octauæ, & Dominicæ priuilegiata? Recitatibus Vesperris cum Psalmis Sabbati, à Capitulo de Dominicæ priuilegiata, & in fine addes commemorationem diei Octauæ, ut in primis Vesperris Festi. ita decreuit, me petente, sacra Rituum Congregatio die 9. Novembris 1622. & ratio desumitur à simili, ex Rubr. de *Concurrentia num. 10.* vbi, cùm ageretur de Simplici Festo occurrente in Feria quarta Cinerum, in qua de Festo sit tantum commemorationis, eadem tantum commemorationis Festi decernitur in primis eiusdem Vesperris: *Quia, inquit, cum in sequenti die Festum non habeat Officium, nec etiam conuenit habere primas Vespertas in praecedenti die.* Voluissent alij primas Vespertas diei Octauæ, integras ritu Duplici recitari: sed absurdum visum est inchoare cum omni solemnitate diem Octauam, quæ sequenti die Officium non habet. Alij, dimidiatas Vespertas usque ad Capitulum ritu Semiduplici

32 Comment.in Rubr.Breuiarij. Sect. III. Cap.VIII.

plici de Octaua; Capitulum deinde de Domiuca; at hoc modo non erant primæ Vesperæ de die Octaua, vt pater, cum ritu Semiduplici; neque erant secundæ Vesperæ de die infra Octauam, quæ terminatur in Nona Sabbati. Et in Psalmo quinto erat difficultas, an dicendus ille, qui in primis aut in secundis Vesperis Festi: & pro commemoratione diei Octauæ Antiphona ad *Magnificat*, vt in primis Vesperis Festi, incoherè dicebatur, ratione diei infra Octauam. Maluissent alij, abrumpi Octauam in Sabbato ad Vesperas, & nihil de ea fieri amplius, vt supra diximus num. 8. sed visa est ratio longè dispar in Dominicis priuilegiatis extra Quadragesimam, Natalitium tempus, & Pentecostes. Quare sola commemoratione contèt de die Octaua, tam in primis eiusdem Vesperis quā in Laudibus, & secundis Vesperis, omisſisq; precibus ad Primā & Complerorū, & Suffragijs communib; decreuerunt Eminentissimi Patres & Sapientissimi, vt prædiximus, nempe in gratiam diei Octauæ, & Dominicæ occurrentis priuilegiata: quibus & obsequendum erit.

14 In secundis etiam Vesperis diei Octauæ occurrentis in Dominica priuilegiata, eadem Dominica conseruat sedem sibi acquisitam, ita vt de die Octaua fiat tantum commemoration, vt in secundis Vesperis Festi. Quod si Dominica ipsa cōcurrat cum sequenti Festo duplice, adhuc commemoratione diei Octauæ post Dominicæ commemorationem fiet; non autem, si concurrat cum Semiduplici: quia tunc Vesperæ erunt de Dominica cum commemoratione diei Octauæ, vt in secundis Vesperis Festi; & deinde Semiduplicis, vt in primis eiusdem Vesp-

ris, quia in pari gradu commemorationis nobilior est diei Octauæ quam Festi Semiduplicis commemoratione.

15 Ceterum ordinariè dies Octaua si concurrat cum alia die Octaua, à Capitulo fit de sequenti cum commemoratione præcedentis, excepta Octaua Corporis Christi concurrenre cum Octaua sancti Ioannis Baptiste, de qua fit tantum commemoratione; & quando in Breuiario aliter notatur, vt in Octauis SS. Stephani & Ioannis Euangelista, &c. in Rubric. de Currentia Officii num. 7.

16 Dies eadem Octaua si concurret cum sequenti Duplice minori etiam translato, à Capitulo fit de sequenti cum commemoratione Octauæ, si cum maiori, fit totum de sequenti, commemoratione præcedenti, vt in die Octaua S. Ioannis Baptiste. Excipit dies Octauæ Epiphaniæ, Paschæ, Ascensionis, & Corporis Christi, in quibus, oī earum dignitatem, secundæ Vesperæ, etiam in concursu cum Duplice maiori per annum, & multò magis prime Vesperæ Octauarum Ascensionis & Corporis Christi, vt in postrema Breuiarij recognitione decretum est, debent esse integræ. Et quidem secundis Vesperis Octauæ Corporis Christi est lex conuenientissima, noui tamen post Ioannem XXII. qui in Decreto supra citato iusserat fieri à Capitulo de sequenti: eadem autem est ratio in Octaua Ascensionis.

17 Si concurrat cum Festo prima classis, in huius primis Vesperis nulla fit de die Octaua commemoratione, vt declaratum est in postrema recognitione de Commemorat. tit. 9. num. 4. Si verò concurrat cum Festo secunda classis, etiam translato, vt est Annuntiatio beatæ Virginis, vel iancti Marcii Festum

Festum post Dominicam in Albis; totum Officium erit de sequenti cum commemoratione praecedentis diei Octauæ, ut aperte dicitur *de Concurr.Officij num. 7.* & est Rubrica generalis modò in postrema recognitione Breuiarij, additis verbis ijs, *in secundo ordine;* ut vtrique Ordini Festorum sit prouisum.

18 Accidit alius cōcursus Festi Duplicis vel Semiduplicis cum die infra Octauam: & Duplex quidem torum habet Vesperarū Officium cum commemoratione diei infra Octauam; Semiduplex autem regulariter usque ad Capitulum, quod erit de die infra Octauam, *in Rubrica de Concurr. num. 34.* sed fallit illud primum de Duplice in duobus casibus, hoc est, quādo Duplex est primæ classis, quia tunc nulla fit de sequenti die infra Octauam commemratio; & quando Duplex est secunda classis, sed in die sequenti non fit Officium de die infra Octauam: tunc enim in secundis Vesperis Festi Duplicis nulla fit commemratio diei sequentis infra Octauam. Alterum item de Semiduplici fallit in secundis Vesperis SS. Ioannis & Pauli, quæ sunt integra cum commemoratione tantum diei infra Octauam S. Ioannis. ita *in Rubrica de Concurr. num. 3. & 4.* causam dabimus in Proprio de Tempore.

19 Dies etiam infra Octauam cedit Dominicæ praecedenti, in cuius secundis Vesperis nonnisi fit commemratio de die sequenti infra Octauam, *loc. citato num. 5.*

20 Eadem dies infra Octauam cedit Festo Duplici, in cuius secundis Vesperis sola gaudet commemratio; quæ etiam deperditur, si Duplex sequens sit primæ vel secundæ classis, *ibidem num. 4.*

21 Non cedit sequenti Dominicæ, vel Semiduplici, nisi usque ad Capitulum, quod erit de Dominicæ, vel de Semiduplici; multoque minus cedit Simplici, de quo fit tantum commemratio in secundis Vesperis dici infra Octauam, *ibidem num. 6.*

22 Quæres: An detur casus, quo dies Octauia, quæ est Duplex, cedat in concursu Feito Semiduplici. Respondeo, Posito Decreto sacræ Congregationis, de quo supra *num. 13.* sequitur aperte, quod si occurrat Festum Semiduplex in Sabbato ante Dominicam priuilegiata, quæ est simul dies Octauia Festi habentis Octauam; eo casu in Vesperis Sabbati, Antiphonæ & Psalmi erunt de Festo Semiduplici, Capitulum de Dominicæ priuilegiata, commemratio primum de Semiduplici, quod habet dimidium Vesperarum, & deinde diei Octauæ, que in toto die sequenti Dominico nihil habet nisi meram commemrationem.

23 Volunt aliqui diem Octauam principalis Patroni loci posse dici Festum Duplex maius per annum, eo fine, ut habeat integras Vespertas; sed defendi non potest, tum quia *de Concurr. Officij num. 7.* exprestè iubetur, Vespertas diuidi in cōcursu diei Octauæ cum Duplice Festo; tum quia dies Octaua Omnia Sanctorum non habet secundas Vespertas integras; tum quia est priuilegiū Octauarum Christi Domini; tum quia Rubricæ sensus in loco citato *num. 7.* est de die Octaua Patroni, seu Tituli Ecclesiæ, quibus extra Breuiarium conceditur Octaua. Neque dicas, in Octaua sancti Ioannis Evangelistæ secundæ Vespertæ sunt integræ de eodem; quia singularis est casus in concursu cum Octaua Innocentum longè inferioris ordinis.

E Optaf-

34 Comm.in Rubr.Breuiarij. Sect.III. Cap.VIII.&IX.

Optasse & ego cum alijs , diem Octauam Festi B. Virginis habentis Octauam , esse Duplex maius , sicuti sunt eiusdem minora Festa per annum : at eadem ferè ratio militaret in Angelis & Apostolis , vt patet . Rubrica vero non distinguit inter diem Octauam , & diem Octauam , nisi in Festis Domini : vnde neque nos distingueremus . Vrgetque rursus exemplum diei Octauæ Omnia Sanctorum , quod est præcipue B. Virginis , ex Martyrologio , & non habet integras Vespertas . Octaua quoque S. Ioannis Euangeliæ minùs virget , quæ in Rubricis excepta fuit , de *Concurrentia Officij num. 7.* ijs verbis : *Et quando aliter in proprijs locis notatur : nulla igitur alia dies Octaua Sanctorum est Duplex maius.*

24 Denique dies Octaua Corporis Christi licet sit dignissima , si tamen ea die occurrat Festu Natiuitatis S. Ioannis , vel Apostolorum Petri & Pauli , sola gaudet commemoratione , ob singularia merita sanctorum Principum Ecclesiæ Christianæ toto orbe venerandorum ; & eadem ratione fit Officium de Patrono loci , si occurrat in dicta die Octauæ Corporis Christi , cum eiusdem commemoratione tantum , quia est prima classis in loco ubi est Patronus : idem dico de Titulo Ecclesiæ ; & multò magis affirmarem de Dedicatione Ecclesiæ , si in eam diem Octauam incideret , ob ratione à fortiori sumptam à sancto Thoma , de qua suprà hoc cap. num. 7. Festa vero secundæ classis cedere debent prædictæ diei Octauæ , sicut à tota Octaua arcentur Semiduplicia Festa . & de facto cedit commemoratio sancti Pauli extra propriam Ecclesiam , vt in propria Rubrica dicitur ; quamquam non est pro-

priè secundæ classis , vt ibi dicimus .

25 De Lectionibus infra Octauas infrā agemus ; de Precibus , Suffragijs , in proprijs Titulis & Capiibus , *Sectione quinta.*

De Concurrentia Officij.

C A P. IX.

1 **D**antur in Officio diuino Concurrentia & Occurrentia , quæ habent pro diuersa ratione proprias leges . Nam Concurrentia est duorum pridie & postridie celebrandorum , & attenditur ordinariè in secundis Vesperis viuis , & in primis alterius Festi ; Occurrentia vero est duorum in eodem die .

2 Sequare autem ordinem Titulorum præcedentium Capitum ; & primò de Duplici : nam Festum Duplex concurrere potest cum alio Duplici , vel die Octaua Festi habentis Octauam . si ergo sunt æqualia , regulariter à Capitulo fit de sequenti cum commemoratione præcedentis . Dixi , si sunt æqualia ; quia si Duplex maius sit , totum fit de Duplici cum commemoratione die Octauæ , vt in secundis Vesperis Exaltationis S. Crucis . Dixi regulariter , quia in tribus Festis Natiuitatis Domini fallit hæc regula , vt eo loco patet . est autem diuisio Vesperarum à Capitulo in partes ferè æquales . Si sunt inæqualia , illud Festum , quod maius est , habet integras Vespertas cum commemoratione minoris , quando & hæc fieri debeat , vt dicemus ex Micro. c. 35. Quod enim magis vel minùs Festum habet de Vespertilis , & præfertur de primis Vespertilis , quæ ex Amalara sunt nobiliores secundis , èd etiam lolemne magis & minùs est Festum .

3 Inæqualitas attendit : ex hoc ordine :